

*"মিষ্টি বাচ্চারা - বাবা যেমন একদিকে তোমাদের বাবা, তেমনই আবার টিচার এবং গুরুও ।
জীবন থাকতেই বাবার কণ্ঠমালার সুতোয় তোমাদের গ্রন্থিত (গাঁথা) হতে হবে ।"

*প্রশ্ন:- কোন বিশ্বাসের আধারে তোমরা বাচ্চারা স্থিরসঙ্কল্প ব্রাহ্মণ হও? *

উত্তর:- তোমাদের প্রথম নিশ্চয় এটাই যে, তোমরা চর্মচক্ষে তোমাদের দেহসহ যা কিছু দেখছ তার সবই পুরানো হয়েছে, এই দুনিয়া অতি মলিন হয়েছে যা বাস করার জন্য আর উপযুক্ত নয় । আমরা বাবার থেকে নতুন দুনিয়ার উত্তরাধিকার নিই । এই নিশ্চয়তার ভিত্তিতে এই জীবনে থেকেও এই পুরানো দুনিয়া এবং পুরানো দেহের অবসান ঘটিয়ে তোমরা বাবার হও অর্থাৎ শিবস্ব গুণের অধিকারী হও । তোমাদের এই নিশ্চয় আছে, একমাত্র বাবার থেকে বিশ্বের রাজ্যপাট নিই ।

*গীত:- তোমার পথেই বাঁচবো আর তোমার পথেই মরবো.... *

ওম্ শান্তি । বাচ্চারা এই গান গায়, যারা পাথরবুদ্ধির ছিলো তারা দৈব বুদ্ধির হওয়ার জন্য এই গান গায় । একটা জাগতিক গানও আছে, যে গানের কলিতে বলা হয়েছে পাথরও গান গায় । পাথর তো গান গায় না, পাথরবুদ্ধির মানুষ গান গায় । তোমরা এখন দেবোপম বুদ্ধিপ্ৰাপ্ত হয়েছ । ঈশ্বর তাঁর সন্তানদের বুদ্ধি দিয়েছেন । আমরা যখন ঈশ্বরের গুণপ্রাপ্ত হই তখন নিজেদের দেহ সমেত সমগ্র দুনিয়াকে ভুলে, যাই কারণ এই দুনিয়া বসবাসযোগ্য থাকেনা । এই দুনিয়া অতি মলিন আর সমস্যাবহুল, জাগতিক কাজকর্ম বা ব্যবসাদির ব্যস্ততা চরম ! এখানে কোনো সুখ নেই তাই তো তোমার কণ্ঠের মাল্যসূত্রে গ্রন্থিত হই । আমাদের নিশ্চয় আছে, আমরা আত্মা; তাইতো বাবা আমরা তোমার হই । আমাদের হৃদয় আজ এই দুনিয়াকে ভুলেছে, এই দেহ ভুলেছে । কারণ আমরা যে আরও জেনেছি বাবা, তোমার থেকে আমাদের বিশ্ব রাজত্বের অধিকার প্রাপ্ত হয় । এই নিশ্চয় না হলে ব্রাহ্মণ হওয়া যায়না । চৈতন্য দেহে বাবার হতে হবে । একমাত্র নিরাকার পিতাকে বলা হয় বাবা । তুমিই আমাদের বাবা, টিচার এবং সদগুরু । তুমি আমাদের প্রত্যক্ষ ফল প্রদানকারী । বাবার রূপে তুমি আমাদের বিশ্বরাজ্যের উত্তরাধিকার দাও । শিক্ষক রূপে সারা ব্রহ্মাণ্ড আর দুনিয়ার আদি-মধ্য-অন্তের সমস্ত নলেজ দাও । সদগুরুর ভূমিকায় ফিরিয়ে নিয়ে যাচ্ছ তুমি তোমার সাথে, মুক্তিতে, শব্দহীন জগতে; প্রেরণ করছ জীবন-মুক্তিতে, সুখ সাগরে । বাবা, আমরা যাবো তোমার সাথে । তুমি আমাদের সত্যকারের সদগুরু । ওই গুরুরা তাদের সাথে কাউকে নিয়ে যায়না । এমনকি তারা মুক্তি বা জীবনমুক্তির পথ সম্পর্কে জানেনা । সেই সকল মানুষ তোমাকে সর্বব্যাপী বলে, তাহলে বর্ষা কে দেবেন ! কাকে বলা হবে হে ভগবান ! তোমরা বাচ্চারা এখন জানো যে, তোমরা নিরাকার শিববাবার হয়েছ । আমাদের দেহ-অভিমান ভেঙে গেছে । আমরা তোমার ডিরেকশন অনুসরণ করবো বাবা । তুমিই বলো, দেহ এবং দেহ-সম্বন্ধীয় সবকিছু থেকে বুদ্ধি সরিয়ে নিজেকে আত্মা নিশ্চয় ক'রে আমাদের স্মরণ করো । যখন আত্মা দেহ ছেড়ে দেয়, তখন তোমাদের মরণ হয়, আর সমগ্র দুনিয়া তখন তোমাদের কাছে মৃত । সম্পর্কগুলোও তখন থাকেনা । যতক্ষণ তুমি মায়ের গর্ভে প্রবেশ না করছ ততক্ষণ তোমার জন্য কোনো দুনিয়া নেই, তুমি সম্পূর্ণভাবে দুনিয়া থেকে আলাদা । বাবা বলেন, বাচ্চারা, তোমরা সবকিছু ভুলে জীবনে থাকতে আমার হয়ে যাও । আমি তোমাদের আমার সাথে ফিরিয়ে নিয়ে যাবো । এই দুনিয়া এখন শেষ হয়ে যাচ্ছে । দেবী-দেবতারা কখনও অপবিত্র

দুনিয়ায় আসেননা । যখন মানুষ মন্ত্রাদি উচ্চারণে মিনতিভরে লক্ষ্মীকে আহ্বান করে, তারা সর্বাগ্রে সবকিছু পরিষ্কার করে । যেমনই হোক, এটা সত্যযুগ নয় যে, লক্ষ্মী আসবেন । সেক্ষেত্রে, নারায়ণ কোথা থেকে আসবেন ? তারা কেন মহালক্ষ্মীকে চতুর্ভুজা দেখায় ? কেউ বুঝতে পারেনা যে, এটা হলো দ্বৈত-রূপ । চার বাহুসহ একজনও কেউ হতে পারেনা, যেমন ছবিতে তারা দেখিয়েছে । তবে তো তাদের দুটো মুখও দেখানো উচিত । তারা কখনই চার পদ দেখাতে পারেনা, কেননা বাস্তবে এইরকম চারপদ বিশিষ্ট মানুষ হয়ই না । এই সবকিছু অন্যদের বোঝানোর জন্যে যে, ওই দ্বৈত-রূপ লক্ষ্মী এবং নারায়ণের । যদি তাঁরা আলাদা হন, তবে তাঁদের প্রত্যেকের দুটো হাত এবং দুটো পা-ও হবে । বাবা বলেন, সর্বাগ্রে তাদের এই নিশ্চয় করাও যে তোমাদের বাবা, বাবা-টিচার এবং সদগুরু আর সেই তিনি আমাদের সবাইকে ঘরে ফিরিয়ে নিয়ে যাবেন । তাঁর কোনো শিষ্য ইত্যাদি নেই যে, তিনি চলে যাওয়ার পরে তারা তোমাদের জ্ঞান দেবে বা তাদের সাথে তোমাদের নিয়ে যাবে । বাবা বুঝিয়েছেন, নাটক এখন সম্পূর্ণ হয়ে এসেছে, তোমাদের ঘরে ফিরে যেতে হবে । বাবা বলেন, আমি সবার সদগতি দাতা, পতিত-পাবন । আমি সর্বকালেরও কাল । তাদের যমদূতের সাক্ষাত্কার হয় কারণ তারা ক্রমাগত পাপ করতে থাকে, সুতরাং, তার জন্য তারা সাজাও ভোগ করে । যাই হোক, যমদূত ইত্যাদি হয়না । আত্মা এক দেহ ছেড়ে আরেক দেহ নেয় । গর্ভে থাকাকালীন আত্মার শাস্তি হলে নিদারুণ কষ্টে আর্তনাদ করে । সর্বপ্রথম বাচ্চাদের নিশ্চয় করতে হবে ইনি আমাদের বাবা-টিচার এবং সদগুরু এবং সেই এককেই স্মরণ করতে হবে । রচয়িতাও এক এবং একমাত্র । ১০ বা ১০০ রচয়িতা নয়, আর না-ই দশ দুনিয়া । বাচ্চারা বলে, বাবা আমরা তোমার গলার হার হয়েছি । তারপর আমাদের রুদ্রমালা তৈরি হবে । এই সময়, তোমরা ব্রাহ্মণরা পুরুষার্থী । তোমাদের মালা তৈরি হতে পারেনা । কেননা, তোমরা ওপরে উঠে আবার পড়ে যাচ্ছ । *তোমরা জানো যে, তোমরা বাবার মালা হয়ে -- পরে বিষ্ণুর মালা হবে । সর্বপ্রথম তোমাদের নিরাকার মালা পরমধামে যাবে, তারপরে সাকার মালা বিষ্ণুধামে যাবে* । মানুষ এইসব জিনিস জানেনা । বাচ্চারা বলে, আমরা জীবনে থাকতেই তোমার হয়েছি বাবা ! তা নাহলে সাকার মানুষ, সাকার মানুষকে অ্যাডপ্ট করে ! এখানে তোমাদের অর্থাৎ নিরাকার আত্মাদের শিববাবা অ্যাডপ্ট করেন । ব্রহ্মার মাধ্যমে তিনি বলেন, হে আত্মাগণ, তোমরা আমার হয়েছ । তিনি বলেন না তোমরা সাকার সত্তারা আমার হয়েছ । এখানে, নিরাকার আত্মারা, নিরাকারকে বলে আমি তোমার হয়েছি । অন্যান্য যারা অ্যাডপ্ট করে তারা দেহকে দেখে । এমনকি তারা নিজেদেরও আত্মা মনে করেনা । ভাই ভাইকে অ্যাডপ্ট করলে তারা কি লাভ করবে ? এখানে বাবা তোমাদের অ্যাডপ্ট করেন উত্তরাধিকার দেওয়ার জন্যে । এই হলো গভীর গুহ্য বিষয়, যারা যথার্থভাবে পড়বে তাদের বুদ্ধিতে এই সমস্ত বিষয় স্থির-নিশ্চয় হবে । নিরাকার বাবা বলেন, দেহ-অভিমান ছেড়ে আমার হও, আমি তোমাদের আমার সাথে নিরাকার দুনিয়ায় ফিরিয়ে নিয়ে যাব । কৃষ্ণ-আত্মাকে পরমাত্মা বলা হয় না । সেই আত্মা পুরো ৮৪ জন্ম নেয় । লক্ষ্মী-নারায়ণের রাজ্য ছিলো । রাজা রাজার পার্ট আর রানী রানীর পার্ট, প্রত্যেকে নিজের ভিন্ন - ভিন্ন পার্ট প্রাপ্ত করে । তারা ৮৪ জন্ম নেয় । এটা কোনও এক আত্মার কথা নয়; প্রত্যেককে পুনর্জন্ম নিতেই হবে । বাচ্চারা, তোমাদের বোঝানো হয়েছে কিভাবে ৮৪ জন্মের চক্র ক্রমান্বয়ে ঘুরছে । যখন তোমরা ৮৪ লাখ জন্মের কথা বলো তখন সবকিছু ব্রষ্ট হয়ে যায় । তোমাদের লক্ষ বছরের কথাও স্মরণে আসেনা । এখন সবকিছু তোমাদের স্মরণে এসেছে । আজকের ব্রষ্টাচারী দুনিয়া, কাল হবে শ্রেষ্ঠাচারী । শাস্ত্রীজীর মতন আমরাও লিখতে পারি, আমরা নিশ্চয়ই নিউ ইন্ডিয়া রচনা করবো । যেমনই হোক, নিউ ইন্ডিয়া একমাত্র নিউ ওয়ার্ল্ডেই হবে । সেখানে দেবী-দেবতা ধর্ম ছাড়া অন্য কোনও ধর্ম হয়না । ভারতে এখন বহু ধর্ম বিদ্যমান । নানাপ্রকার ক্ষুদ্র ক্ষুদ্র ডালপালার অস্তিত্ব ।

তাদের সবকিছু শেষের মুখে । এটাও দেখানো হয়েছে যে, লক্ষ্মী-নারায়ণ এখন ব্রহ্মা-সরস্বতী হয়েছেন । তারপরে ব্রহ্মা-সরস্বতী লক্ষ্মী-নারায়ণ হবেন । সেই কারণে তারা দেখিয়েছে ব্রহ্মা থেকে বিষ্ণু বেরিয়েছেন আবার বিষ্ণু থেকে ব্রহ্মা । তোমরা এখন বিষ্ণু কুলের হতে চলেছ । যারা যথার্থভাবে বুঝতে পারে তাদের খুশির পারা চড়বে, নাটক এখন সম্পূর্ণ হয়েছে । যখন তোমরা নাটকের কথা বলো তোমাদের আদি -মধ্যে -অন্ত সব স্মরণে এসে যায় । তোমাদের মধ্যে যারা সচেতন তাদের বেহদের ড্রামা স্মরণে থাকবে । প্রথমে সূর্যবংশীয়, চন্দ্রবংশীয়দের রাজত্বকাল ছিলো পরে অন্যান্যরা এসেছে । তারপরে তারা বৈশ্যবংশীয় এবং শূদ্রবংশীয় হয় । আমরা আত্মারা এইভাবে ৮৪ জন্ম নিই । তোমাদের অনেকের স্মরণ হয়না । ড্রামার আদি -মধ্য -অন্তের জ্ঞান তোমাদের বোঝা উচিত । এই নাটক ৫ হাজার বছরের; এই জ্ঞান তোমাদের বুদ্ধিতে থাকা উচিত । আত্মা অতি ক্ষুদ্রাতিক্ষুদ্র; সে-ই ৮৪ জন্মের পার্ট প্লে করে । পরমাত্মাও অতিশয় ক্ষুদ্র বিন্দু । তিনিও তাঁর পার্ট প্লে করার বন্ধনে বেঁধে আছেন । তিনি ড্রামার বন্ধনে আবদ্ধ । সঙ্গমযুগেই তাঁর পার্ট প্লে করার টাইম ইমার্জ হয় অর্থাৎ সঙ্গমযুগেই তাঁর নিজস্ব ভূমিকা পালন করার সময় নির্ধারিত হয়েছে । শাস্ত্রে তারা লিখেছে যে ভগবানের সঙ্কল্প ছিলো নতুন সৃষ্টি রচনা করার; কিন্তু এমনভাবে লেখা হয়েছে যে, কেউ এটা বুঝতে পারেনা । সেই সমস্ত কথা অতীতের । প্র্যাকটিক্যালি তোমরা তোমাদের পার্ট প্লে করছ । তোমরা জানো যে, তিনি ত্রিভুমিকায় - আমাদের বাবা, টিচার এবং সদগুরু । তোমরা লৌকিক বাবাকে কখনও এইরকম বলতে পারবেনা । একজন গুরুকে গুরুই বলা হয়ে থাকে । এখানে একের মধ্যেই তিন । এই সমস্ত কথা বুঝতে হবে । একমাত্র গড় ফাদারকে নলেজফুল (জ্ঞানসম্পন্ন) বলা হয় । তাঁর সমগ্র ঝাড়ের নলেজ আছে কারণ তিনি চৈতন্য । তিনি এসে তোমাদের সমস্ত নলেজ দেন । বাচ্চারা তোমরা জানো যে, এখন তোমরা তোমাদের দেহ ছেড়ে বাবার সাথে ঘরে ফিরে যাবে । যখন তোমরা কর্মাজীত অবস্থায় পৌঁছবে, তোমাদের মধ্যে কোনও অশুভ শক্তি থাকবেনা । এক নম্বর শত্রু, দেহ-অভিমান । সমস্ত অশুভ শক্তির মাথা, রাবণ । ভারতেই রাবণকে জ্বালানো হয়, অথচ রাবণ কি তারা জানেনা । কবে থেকে দশহরা, রক্ষাবন্ধন, দীপমালার উত্সব উদযাপিত হয়ে আসছে তাও তারা জানেনা । রাবণের পরিণাম কি হবে, মৃত্যু নাকি এইভাবেই সে রাজ্য চালিয়ে যাবে ! তোমরা বলতে পারবেনা । তারা রাবণকে জ্বালায় কিন্তু সে আবার জীবিত হয়ে ওঠে কেননা এটাই তার রাজ্য । সত্যযুগে কোনও রাবণ নেই । সেখানে, যোগবলের দ্বারা শিশুর জন্ম হয় । তোমরা যোগবলের দ্বারা বিশ্বের মালিক হতে পারলে, যোগবলের দ্বারা শিশুর জন্ম হতে পারেনা ! সেখানে রাবণের কোনও অস্তিত্ব নেই । সুতরাং, কোনরকম অসংযত হওয়ারও প্রস্ন নেই । সেই কারণে কৃষ্ণকে বলা হয় যোগেশ্বর । তিনি সম্পূর্ণরূপে বিকারহীন । যোগী কখনও অসংযমী হননা অর্থাৎ অবাধে নিজের ভোগ-বাসনা চরিতার্থ করেননা । ভোগী কখনও যোগ সিদ্ধ হতে পারেনা । এখন তোমরা যোগ শিখছ । ভোগী হলে অথবা বিকারগ্রস্ত হলে যোগযুক্ত হতে পারবেনা । তোমরা বাচ্চারা একযোগে বাবা, টিচার এবং সদগুরুর উত্তরাধিকার লাভ করছ । সদগুরু সকলকে তাঁর সাথে ফিরিয়ে নিয়ে যাবেন । সবাইকে তিনি নিয়েই যাবেন, কিন্তু কেবলমাত্র তোমরাই তাঁর কণ্ঠহার হবে । সাজন সকল সজনিদের সঙ্গে ফিরিয়ে নিয়ে যাবেন । প্রথমে সাজন যাবেন, তারপর যারা সূর্যবংশীয় এবং চন্দ্রবংশীয় হবে তারা যাবে । তারপরে ইসলাম এবং তারও পরে যারা বৌদ্ধ ঘরানার তারা সমারোহের সঙ্গে অনুগমন করবে । সমস্ত আত্মাদের গিয়ে তাদের নিজ-নিজ সেকশনে বসতে হবে । আত্মা হলো নক্ষত্র, স্টার । এই সকল বিষয় যথার্থভাবে বুঝতে হবে । একমাত্র সৌভাগ্যবানেরা এই সমগ্র বিষয় ধারণ করে অন্যদেরও বোঝাবে । যারা বুঝবে তারা আবার মহিমা করবে, অমুক-অমুকে আমায় বুঝিয়েছিলেন আর আমার বুদ্ধির দরজা সম্পূর্ণরূপে খুলে গেছে । তিনি আমাকে জীবনদান দিয়েছিলেন । তারপর

তার প্রতি ভালোবাসা তৈরি হয় । সে ক্রমাগত তাকেই স্মরণ করতে থাকে, পরে সে তার থেকে নিজেকে মুক্ত করে নেয় । নিমিত্ত কাউকে স্মরণ করা যায়না । নিমিত্ত কেউ কার্যাদি-সাধনই করবে, শুধু এইটুকুই । সজনী তারপর সাজনকে স্মরণ করবে । ব্রহ্মাও শুধুমাত্র নিমিত্ত । একমাত্র শিববাবাকেই স্মরণ করতে হয় । নিমিত্ত এই ব্রহ্মাও তাঁকে স্মরণ করেন, কিন্তু ইনি পতিত বলে এনার কোনও মহিমা হয়না । পরমাত্মা প্রথমে এনার মধ্যে প্রবেশ ক'রে তারপর এনাকে পবিত্র বানান । এক পতিত, আরেক পবিত্র, সূক্ষ্মবতনে ব্রহ্মা পবিত্র । তাঁর মুখও প্রদর্শিত হওয়া উচিত । বারবার এই ব্যাখ্যা করা হয়েছে । যাই হোক, যখন কেউ এসে বাবার হয় এবং বলে, "বাবা, আমি এখন আপনার হয়েছি, আপনি আমার বাবা, টিচার, সদগুরু " , বাবা বলেন, "আমিও তোমায় গ্রহণ করেছি "। কিন্তু মনে রেখো তুমি কখনও আমার সম্মান নষ্ট করবে না । আমার হয়ে যাওয়ার পর কোনরকম বিকারকে প্রশ্রয় দেবে না ! বাস্তবে, এই সময় সকলে নরকবাসী; তারা স্বর্গকে স্মরণ করে । তারা বলে, অমুকে স্বর্গবাসী হয়েছে । ওহ্ ! কিন্তু স্বর্গ কোথায় ? যদি সেই ব্যক্তি স্বর্গেই গিয়ে থাকে তবে কেন তোমরা তাকে এখানে খাবার খেতে আমন্ত্রণ করো ? পতিত দুনিয়ায় তারা পতিত ব্রাহ্মণ পুরোহিতকে খাওয়ায় । কেউ পবিত্র নয় অথচ এই ছোট একটা কথা কেউ বুঝতে পারেনা ! আচ্ছা !

মিষ্টি -মিষ্টি হারানিধি বাচ্চাদের প্রতি মাতাপিতা বাপদাদার স্নেহ -স্মরণ আর গুড মর্নিং । রুহানী বাবার রুহানী বাচ্চাদের নমস্কার ।

ধারণার জন্য মুখ্য সারঃ-

১) জ্ঞান প্রদানকারী দালালের প্রতি প্রীতি না রেখে এক এবং একমাত্র বাবাকে স্মরণ করো । শুধুমাত্র তিনিই তোমাকে জীবনদান দেবেন ।

২) এই বেহদের নাটক বুদ্ধিতে রেখে অপার খুশিতে থাকতে হবে এবং দেহ-অভিমান ছেড়ে অশরীরি হওয়ার অভ্যাস করতে হবে ।

বরদানঃ- পবিত্রতার ফাউন্ডেশন মজবুত করে অতীন্দ্রিয় সুখের অনুভবকারী সম্পূর্ণ এবং সম্পন্ন ভব

ব্রাহ্মণ জীবনের ফাউন্ডেশন হলো পবিত্রতা । এই ফাউন্ডেশন মজবুত হলে সম্পূর্ণ সুখশান্তির অনুভব হয় । যদি অতীন্দ্রিয় সুখ বা সুইট সাইলেন্সের অনুভব কম হয় তবে ধরে নিতে হবে নিশ্চয়ই পবিত্রতার ফাউন্ডেশন দুর্বল । এই ব্রত ধারণ করা কোনও কম কথা নয় ! বাপদাদা পবিত্রতার ব্রত পালনকারী আত্মাদের হৃদয়ের অভিনন্দন জানান এবং আশীর্বাদ দেন । এই ব্রতের মাধ্যমে 'সম্পূর্ণ এবং সম্পন্ন ভব'- এই বরদান প্রাপ্ত করার জন্য ব্যর্থ ভাবনা, দেখা , বলা এবং করায় ফুল স্টপ লাগিয়ে পরিবর্তন করো ।

শ্লোগানঃ- সদাই একের গভীরে হারিয়ে যাওয়াই, একান্তবাসী হওয়া ।